

**Pisortaqarfinni aamma Pisortat suliffeqarfiutaanni tamani sulisussanik atorfinitsitsisarnermi oqaatsitsinnik, nunatsinni pissutsinik inooriaasitsinnillu ilisimasaqarnissap piunasaqaatit inissisimalernissaanut periarfissat pillugit kingusinnerpaamik UPA2017-imi nassuiaammik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. (Taamaaliornikkut oqaatsitta kulturittalu ataqqineqarnissaannik inuiaqatigiit kalaallit pissusissami-soortumik piunasaqaataat atorfinitsitsinerni ataqqineqarluni atorneqalissamat).**  
(Inatsisartuni ilaasortaq Vivian Motzfeldt, Siumut)

#### **Akissuteqaat**

(Aningaasaqarnermut Aatsitassanullu Naalakkersuisoq)

#### **Aappassaanneerreqarnera**

Isumaliutissiisummut tunniunneqartumut Inuussutissarsiornermut Ataatsimiititaliamut Naalakkersuisut sinerlugit qujaniarpunga.

Naalakkersuisut siunnersuutip akuersissutigineqarnissaa Inuussutissarsiornermut Ataatsimiititaliami amerlanerussuteqartut inassutigimmassuk paasivaat.

Inuit pinsinnaatitaaffiit tunngatillugu Kalaallit Nunaata nassuiaatissami pisussaaffiusunik isiginninniarnissaa ilanngussinissaalu pingaaruteqarmat ataatsimiititaliamit erseqqissarneqarpoq, soorlu ikinnerussuteqartunut aamma isornartorsiuuinnaanermillu inerteqquteqarnermut tunngatillugu illersuisoqarnissaanut pisussaaffiit, aamma isumaqatigiissutinut pisussaaffiliisunut attuumassuteqartunut tunngatillugu. Tassunga atillugu ataatsimiititaliamit oqaatigineqarpoq nassuiaatip saqqummersinnissaa sioqqullugu Institut for Mennekerettigheder-imut Naalakkersuisut tusarniaatigalugu oqaaseqarfigisassanngorlugulu nassiuutissagaat tuluartuussasoq.

Inuit pinsinnaatitaaffii Naalakkersuisunit assut isiginiarneqarput. Nunatsinni innuttaasunut tamanut atugasarititaasut pitsaanerulernissaat illersorneqarnissaallu Naalakkersuisunut pingaaruteqarpoq, taamaammallu nassuiaatip suliarinerani inuit pinsinnaatitaaffiisa ilanngunneqarnissaat ataatsimiititaliamit pingaartinneqarnerat Naalakkersuisut tapersersorpaat.

Naalakkersuisut matumuuna siunnersuutip akuerineqarnissaanut tapersersuinertik nalunaarutigaa, siunnersuutillu Inatsisartuni suliarineqarnissaa qilanaaralugu.